

10. November 2023

UKA2023/040

Illunut sanaqataaffiusunut tarsigassarsiat pillugit Inatsisartut inatsisaata allanngortinneqarnera pillugu Inatsisartut Inatsisaat

(Illunut sanaqataaffiusunut kommunimit taarsigassarsiat, illunillu sanaqataaffiusunik il.il aserfallatsaaliuinissamut, nutarterinissamullu taarsigassarsiat tapiissutillu)

(Ineqarnermut Attaveqaasersuutinullu Naalakkersuisoq)

Inatsisisstut siunersuut pissaganartoq piffissamilu utaaqqisimasarput pillugu Siumumiit imatut oqaaseqaateqassuugut:

Aallarniutigerusuppara piffik Nammineerluni illuliortitsinerup nalaq, tassaasimammat misigalugu nuannersoq, nunaqqatit kiinaat nuannaarpasillutik sanaqatiineqartut, imminnut oqaloqatigiittartut uku ima iliussavatit uanga imaaliorpunga il.il sananermik nalaani, taamaut aaqqissuusisimaneq pitsaasumik illoqarnikkut kivitsinikuuvoq, ukiullu ingerlanerini nammineerluni illuliaasartut naleqqussarnermikkut allanngortinneqartarput tunngaviali oqareernittuut annertuumik pingaartumik nunaqarfinni isorliunerusunilu kivitsinikuupput annertoorujussuarmik

Kisiannili periuseq allanngortinneqarpoq/Aamma tunngavissaqartumik/ tamatumalu kingunera sanaqateqarluni illuliortarnermut ikaarsarneq pimmat, nammineerluni akiliutaasartussat isertitat aallaavigalugit pilersinneqarput, tamatumallu kinguneraa siunertamut nammineerluni illuliortarnerup unipajaarlunnarnera, tassami ataasiakkaat kisimik ukiuni arlaqartuni illumik nappaasimasut ilisimagatsigit

Tupinnangitsumik tamatumap kingunerisaanik annertuumik kissaatigineqalerpoq aaqqissuusineq allanngortittariaqartoq, ilaatigut Nunaqarfimmiut ataatsimeeqateqartarnermi, ataatsimiinnernilu annertuumik periutsip allanngortinneqarnissaa kissaatigisarsimavarput, tassami qangaanerusoq illuliat pisoqalipput aserfallapput ilaalu ullutsinnut naleqqukkunnaarlutik pipput

Maanna aaqqissuusineq Kommunit aqutugalugit pisoq malunnarsivoq siunertamut isorliunerusuniluna sanaartornermut kivitsisuusassaagaluq Kommuninit siunertanut assigiinngitsumik ingerlanneqartoq, tassami tusartarparput nammineerlutik sanaqateqarluni illuliornissamut qinnuteqarniartut immersuinissamullunniit itigartinneqartarsimasut aningaasassaqaqngimmanngooq, tamanna siunertarfpiamut aporfiliisarsimammat kissaatiginaqaaq



aaqqissuussinissami nutaami arlaagut periutsit /malitassat paatsuugassaanatik innuttaasunut tamanut paasiuminartuussasut,tamanna pisariaqarluinnartutut Siumumiit isigaarput

Innuttaasut sapinngisamik pitsaasumik ineqartinneqarnissaat/illoqartinneqarnissaat Siumumiit pingaartittorujuarput,taamaattumillu ersarissunik allassimasunik partiitta nittartagaani anguniakkatsinni allassimasuuteqarpugut,ilaatigut aaqqissuussinerup 95/5-imik taaneqartartup periarfissarsiuunneqarnissaanik anguniaqartuunerput ersarissumik allassimasuutigaarput

Inatsisissatut siunnersuut piffissami ukiuni kingullerni oqallisaajuartarpoq,maannalu siunertamut tunngasumik qaqitsisoqarnera Siumumiit nuannaarutigaarput,takusinnaagatsigu sanaqateqarluni illuliortarnerup atugaanera qanga nalaassimasarput pitsaasumillu kinguneqarsimasoq,utersaaqqilertutut ittoq,taamaammat isumalluarterujussuuvugut pitsaasumik siammasissumik kinguneqarluni inuiaqatigiinni atugaalluarumaarnissaa pillugu

Periutsip atorneqartussatut siunnersuutip takutippaa 300.000kr isertitaqartunut taarsigassarsinermut akileraasoqassanngitsoq ,tassa qinnuteqartoq 25.000kr akiliiguni illulu sanallugu naammassisinnaaguniuk taakku akiliutini atorlugit illutaarsinnaalissaaq,maluginiagassaavoq tamanna arlalitsigut tusarniaanermi uparuarneqarmat ,ilaatigut qaffasinnerusumik isertitat eqqarsaatigalugit inissisimasut killiffimmut tassuga pisinnaagaluartut oqariartuuteqartoqarmat,tamatumap ataatsimiititaliami piffissaqarluarluni sulisussaassammat suliarinissaa naatsorsuutigilluinnarparput piumaartoq

Ilanngulluguttaaq iluarisimaarparput illunut sanaqataaffiusunut aserfallatsaaliunissamut nutarterinissamullu periarfissaq ammaanneqartussaammat,tamanna pisariaqartinneqartoq takusinnaavarput ,taamaattumillu tunngaviatigut tamakkiisumik taperserlutigu

Aammattaaq maluginiakkatsinnut ilaavoq piffissami akilersuiffiusumi (ukiut 20-it) ukiukkaartumik isertitat aallavigineqartassammata,ilaatigut isertitat appariarsinnaanerat assigiinngitsunik patsiseqarsinnaasarnera pillugu,aammalumi qaffariaateqartoqartarnera pillugu taamatut aaqqiisimaneq iluarisimaarlugu oqaatigaarput

Inuit tamatta assigiinngitsuuvugut inooqatigiinnikkut aamma,inoqarpoq kisimiikkaluarlutik pitsaasumik angerlarsimaffeqarusuttartunik,aamma inuiaqatigiittut aaqqissuussaannitta takutittarpaa ilaqartugut ilaqutareeqartartut amerlasuunik najugaqatigiittariaqartunik ,soorunami tamakku eqqarsaatigalugit pingaartumik arlalinnik meerartallit ulluinnarni atukkatigut ilaqutariinnit allaniit annertunerungaartumik ulluinnarni aningaasartuuteqartartunik,tamakkulu aammattaaq periarfissaqartuarnissaat piujuartariaqartoq isumaqarfigaarput

Oqareernittuut siusinnerusumi aaqqissuussinermi sanaqateqarluni illuliassat arlariit qinigassaapput,taamatullu illuliorniartut qinnuteqartussanut ilaqutariinnerminnut naleqquttunik illuliassanik toqqaasarlutik,soorlu amerlanernik meerartallit Illorput 2000 type 4

toqqakkajunnikuaat.,kisimiinnerusullu type 1 -2- luunniit toqqartarlugu,tassa
imminnut nalequttutut isigisartik katersuuffigisaraat ilisimavarput

Illuliassat kingusinnerusukkut takkuttut Illorput 2100 aamma 2300 taakkuupput illut pigissallugit
pilerinartut ,pingaartumik inuusuttut illutaarusuttut eqqarsaatigalugit,illut kusanartut angisuut
uani pineqarlutik

Siunnersuutip imaani takuneqarsinnaavoq tabeli 2 mio kr aallaavigalugu 3 procentimik
erniarititassaq aallaavigalugu kisitsisitalersorsimasaq,taanna tikkuussivoq illu sananeqartussaq 2
mio kr nalilik uani qinigassatut aallaavioq

Oqareernittut inuiaqatigiinni assigiinngitsorujummik ilaqutariittut/kisimiittutut
katitigaavugut,taamaattumillu qinigassanik arlariinnik peqartoqartariaqartoq
isumaqarfialugu,tamanna inunnt qinnuteqarumaartussanut pitsaanerussasoq
takusinnaavarput,kaammattuutiginarporlu ataatsimiititaliami tamatumap ilanngullugu
eqqartorluarneqarnissaa pissasoq,siammasinnerusumik innuttaasut qinigassaqaarnissaat
pissutigalugu

Ilisimavarput siunnersuut UKA 2023-mi siullermeerneqassasoq,aatsaallu UPA 2024-mi
aappassaaneerinninnissaq piumaartoq,taamaammat oqareernittuut ataatsimiititaliaq
piffissaqarluarluni qulaajaasinnaanernut assigiinngitsunut,isumasiuisinnaanernullu
piffissaqarluassaaq tamannalu iluarisimaarnarpoq

Naggataagut iluarisimmaarinnilluta nuannaarlutalu siunnersuut taperserlugu Sanaartornermut
ataatsimiititaliamut ingerlateqqipparput,naatsorsuutigalugu ataatsimiititaliaq suliassamik
suliarinnilluarumaartoq

[OQAASEQAATIP IMAA]

[Jens Kristian Therkelsen, Siumut]